

程

附錄卷第十

禮儀

監修國史趙國公長孫無忌等撰

志第五

禮儀五

輿車之別蓋先生之所以列等威也然隨時而變代
有不同梁初尚遵齊制其後武帝既議定禮儀乃漸
有變革始永明中步兵校尉伏曼容奏宋大明中尚
書左丞荀萬秋議金玉二輅並建碧旂象革才也並
建赤旂非時運所上又非五方之色今五輅五生及

五色幡旗並請准齊所尚青色時議所駁不行及天
監三年乃改五輅旗同用赤而旒不異以從行運所
尚也七年帝曰據禮玉輅以祀金輅以賓而今大祀
並乘金輅詔下詳議周捨以爲金輅以之齋車本不
關於祭祀於是改陵廟皆乘玉輅大駕則大僕卿御
法駕則奉車郎馭其餘四輅則使人執轡以朱絲爲
之執者武冠朱衣又齊永明制玉輅上施重屋樓簷
鳳皇綴金鈴鑷珠璫玉螭佩四角金龍銜五綵旒又
置麒麟頭加於馬首者十二年帝皆省之初齊武帝

造大小輦並如輅車但無輪轂下以橫轆輒梁初漆畫
代之後帝令上可加策輦形如犢車自茲始也中方
八尺左右開四望金爲龍首飾其五末謂轆輒頭及
衡端也金鑿樓輒其下施重層以空青雕鏤爲龍鳳
象漆木橫前名爲望板其下交施三十六橫小輿形
似輅車金裝漆畫但施八橫元正大會乘出上殿西
堂舉哀亦乘之行則從後一名輿車羊車一名輦其
上如輅小兒衣青布袴褶五瓣髮數人引之時名羊
車小史漢氏或以人牽或駕果下馬梁貴賤通得乘

之名曰牽子

畫輪車一乘駕牛乘用如齊制舊史之言是詳矣

衣書車十二乘駕牛漢皇蓋朱裏過江加綠油幢朱
絲絡青交路黃金塗五末一曰副車梁朝謂之衣書
車

皇太子鸞輅駕三馬左右駢朱班輪倚獸較伏鹿馱
九旒畫降龍青畫轡文軸黃金塗五末近代亦謂
之鸞輅即象輅也梁東宮初建及太子釋奠元正朝
會則乘之以畫輪為副若常乘畫輪以輅文車為

副畫輪車上開四窗綠油幢朱繩絡兩箱裏飾以錦
黃金塗五末

二千石四品已上及列侯皆給輅車駕牛伏兔箱青
油幢朱絲絡較輅輅皆黑漆天監二年令三公開府尚
書令則給鹿轡輅施耳後戶阜輅尚書僕射左右光
祿大夫侍中中書監令祕書監則給鳳輅輅後戶阜
輅領護國子祭酒太子詹事尚書侍中列卿散騎常
侍給聊泥輅無後戶漆輪車騎驃騎及諸王除刺史
帶將軍給龍雀輅以金銀飾御史中丞給方蓋輅形

如小傘

諸王三公有勲德者皆特加阜輪車駕牛形如犢車但烏漆輪轂黃金雕裝上加青油幢朱絲絡通憶或四望上臺三夫人亦乘之以搦幢涅憶為副王公加禮者給油幢絡車駕牛朱輪華轂大監二年令上臺六宮長公主公主諸王太妃妃皆得乘青油輿幢通憶車搦幢涅憶為副采女皇女諸王嗣子侯夫人比皆乘赤油搦幢車以涅憶為副侍女直乘涅憶之乘諸王三公並乘通憶平乘車竹箕子壁仰檟榆為輶

如今犢車輿舉憶通覆上

方州刺史並乘通憶平肩輿從橫施八橫亦得全渡裝較

天子至于下賤通乘步輿方四尺上施隱膝以及襟舉之無禁限載輿亦如之但不施脚以其就席便也優禮者人輿以升殿司徒謝朓以脚疾優之

五牛旗左青赤右白黑黃居其中蓋古之五時副車也舊有五色立車五色安車合十乘名為五時車建旗十一各如車色立車則正豎其旗安車則斜注馬

亦隨五時之色白馬則朱其鬣尾左右駢駮金燹鏤錫黃屋左纛如金根之制行則從後名五時副車晉過江不怕有事則權以馬車代之建旗其上後但以五色木牛象車豎旗於牛背使人輿之旗常纏不舒唯天子親戎乃寄其旆周遷以爲晉武帝平吳後造五牛之旗非過江始爲也

拍南車大雉出爲先啓之乘漢初置俞兒騎並爲先驅左太冲曰俞騎騁路拍南司方後廢其騎而存其車記里車駕牛其中有木人執節車行一里則打一槌

鼓吹車上施層樓四角金龍銜旒蘇羽葆凡鼓吹陸則樓車水則樓船在殿庭則畫百虞爲樓樓上有翔鷲樓鳥或爲鵠形

陳承梁末王琳縱火延燒車府至天嘉元年勅守都官尚書寶安侯到仲舉議造玉金象革木等五輅及五色副車皆金薄交龍爲輿倚較文貌伏軾蚪首銜軌左右吉陽箭鸞雀立衡樓文畫轡綠油蓋黃絞裏相思撩金華末斜注旂旗於車之左各依方色加采戟於車之右韜以黻繡之衣獸頭幡長丈四尺懸於

戰抄玉輅正副同駕六馬餘輅皆駕四馬馬並黃金
為義髦插以翟尾玉為鏤錫又以綵畫赤油長三尺
廣八寸繫兩軸頭古曰飛軫改以綵畫蛙蟆幡綴兩
軸頭即古飛軫遺象也五輅兩箱後皆用玳瑁為鵠
翅加以金銀雕飾故俗人謂之金鵠車兩箱之裏衣以
紅錦金花帖釘上用紅紫錦為後檐青絞純帶夏用簾
冬用綺繡褥此後漸修具依梁制

後魏天興初詔儀曹郎董謐撰朝饗儀始制軒冕未
知古式多違舊章孝文帝時儀曹令李韶更奏詳定討

論經籍議改正之唯備五輅各依方色其餘車輦猶
未能具至熙平九年明帝又詔侍中崔光與安豐王
延明博士崔瓚採其議大造車服定制五輅並駕五
馬皇太子乘金輅朱蓋赤贊四馬三公及王朱屋青
表制同於輅名曰高車駕三馬庶姓王侯及尚書令
僕已下列卿已上並給輅車駕用一馬或乘四望通
幃車駕一牛自斯以後條章粗備北齊咸取用焉其
後因而著令並無增損

王庶姓王儀同三司已上親公主雉尾扇紫傘白圭宗

及三品已上官青傘朱裏其青傘碧裏達於士人不
禁

正從第一品執事官散官及儀同三司諸公主得乘
油色朱絡網車車牛飾得用金塗及純銀二品三品
得乘卷通憶車車牛飾用金塗四品已下七品已上
得乘偏憶車車牛飾用銅

尚書令給哄七十五人左右僕射御史中丞各十二人
○周氏設六官置司輅之職以掌公車之政辨其各
品與其物色

皇帝之輅十有二等一曰蒼輅以祀昊天上帝二曰
青輅以祀東方上帝三曰朱輅以祀南方上帝及朝
日四曰黃輅以祀地祇中央上帝五曰白輅以祀西
方上帝及夕月六曰玄輅以祀北方上帝及感帝祭
神州此六輅通漆之而已不用佗物爲飾皆疏面疏
就以方色俱十有二疏而刻皮當顯七曰玉輅以享先皇加
元服納后八曰碧輅以祭社稷享諸先帝太貞於龜
食三老五更享食諸侯及耕藉九曰金輅以祀星辰
祭四望視朔大射賓射饗羣臣巡犧牲養國老十曰

象輅以望秩羣祀視朝燕諸侯及羣臣燕射養庶老
適諸侯家巡省臨太學幸道法門十一曰革輅以巡
兵即戎十二曰木輅以田獵行鄉畿此六輅又以六
色漆而畫之用玉碧金象革物以飾諸末皆錫面金
鈎就以五采俱十有二錫面鑲金當顯鈎以屬勒鞞鞞

皇后之車亦十二等一曰重翟以從皇帝重翟羽為車蕃祀

郊禘享先皇朝皇太后二曰厭翟以祭陰社羽也三

曰翟輅以採桑翟羽飾之四曰翠輅以從皇帝見賓客翠羽飾之

五曰雕輅以歸寧刻諸心也六曰篆輅以臨諸道法門篆諸飾也

六輅皆錫面朱總總以朱絲為之金鈎七曰蒼

輅以適命婦家八曰青輅九曰朱輅十曰黃輅十一

曰白輅十二曰玄輅五時常出入則供之六輅皆疏

面績總以畫縵為之

諸公之輅九方輅各東方碧輅金鈎皆錫面鑲縵九

就金鈎象輅犀輅貝輅革輅象輅木輅皆疏而鑲縵

九就凡就皆以朱白蒼三采諸侯自方輅而下八又無

碧輅諸伯自方輅而下七又無金輅諸子自方輅而

下六又無象輅諸男自方輅而下五又無犀輅凡就

各如其命

諸公夫久之輅車九厭翟翟輅翠輅皆錫面朱總金

鈎雕輅篆輅皆勒面刻白黑韋為當顛績總朱輅黃輅白輅

玄輅皆雕面刻漆韋為當顛駮馬總總青黑色縵其者如朱總諸侯夫人自

翟輅而下八諸伯夫人自翠輅而下七諸子夫人自

雕輅而下六諸男夫人自篆輅而下五般鞶纓就數各

視其君

公孤卿大夫皆以中之色乘祀輅士乘祀車

三公之輅車九祀輅犀輅具輅篆輅木輅夏篆夏纓

墨車輅車自篆已上金涂諸末疏錫鞶纓金鈎木輅

已下銅飾諸末疏鞶纓皆九就三孤自祀輅而下八

無犀輅六卿自祀輅而下七又無具輅上大夫自祀

輅而下六又無篆鞶中六夫自祀輅而下五又無木

輅下大夫自祀輅而下四又無夏篆士車三祀車墨

車輅車凡就各如其命之數自孤下就以朱綠二采

○三妃三公夫人之故如九篆輅朱輅黃輅白輅玄輅

皆勒面績總夏篆夏纓墨車輅車皆雕面駮馬總三妃

三孤內子自朱輅已下八六嬪六卿內子自黃輅而

下七上媛婦中大夫隼人自玄輅而下五下媛婦大夫孺人自夏篆而下四其輦輿纓就各以其等皆以玄君駕四二二初六轡二一軛四轡

輅之制重輪重較而加耳焉皇帝皇后之輅輿廣六尺有六寸輪高七尺畫輪轂軛衡以雲牙箱軾以虞文虞內畫以雜獸伏軾鹿倚較諸侯及夫人命夫命婦之輅車廣六尺有二寸輪崇六尺有六寸畫轂以雲

牙軾以虞文虞內畫以雲華鹿倚較士不畫后夫人內子已下同去獸與鹿

凡旗太常畫三辰日月星旂畫青龍皇帝升龍旗畫朱

雀旌畫黃麟旗畫白獸旒畫玄武皆加雲其禮物在

軍亦畫其士號加之以雲氣徽幟亦如之通帛為幟

在軍亦書其人官與姓名之事號旌節又畫白獸

而析羽於其上

司常掌旗物之藏通帛之旗六以供郊丘之祀一曰蒼旗二曰青旗三曰朱旗四曰黃旗五曰白旗六曰

玄旗畫續之旗六以充玉輅之等一曰三辰之常二
曰青龍之旗三曰朱鳥之旒四曰黃麟之旌五曰白
獸之旗六曰玄武之旒皆左建旗而右建搨戟又有
繼旗四以施軍旅一曰麾以軍將二曰旟以供師
帥三曰旅以供旅帥四曰旂以供倅長諸公方輅碧
輅建旂金輅建旗象輅建物輅建旒諸侯自金輅而
下如諸公之旗諸伯自象輅而下如諸侯之旗諸子自
犀輅而下如諸伯之旗諸男象輅而下如諸子之
旗三公犀輅自輅象輅建旒輅建旒自象輅及輅

車建物孤卿已下各以其等建其旗

旌在皇帝六刃諸侯五刃大夫四刃士三刃

旒在皇帝曳地諸侯及軹大夫及轂士及軹凡注毛於

在首曰綏析羽曰旌全羽曰旒其慘皇帝諸侯加以

孤羈搨戟方六尺而被之以黻唯皇帝諸侯輅建焉

搨戟在綱與旗同

車之蓋圓以象天輿方以象地輪輻二十

以象日月蓋椽二十有八以象列宿設和鑿以節趨

行被旗旒以表貴賤其取象也大其彰德也明是以

王者尚之

白帝皇后在喪之車五：一曰木車，初喪乘之；二曰素車，卒哭乘之；三曰藻車，既練乘之；四曰駝車，祥而乘之；五曰漆車，禫而乘之。及平，齊得其輿，輅藏於中府，盡不施用。至大象初，遣鄭譯閱視武庫，得魏舊物，取尤異者，並加雕飾，分給六宮。有乾象輦，羽葆圓蓋，畫日月五星二十八宿，天街雲臺，山林竒怪，及遊鱗飛鳳，朱雀玄武，鸞虞青龍，駕二十四馬，以給天中皇后助祭。則乘又有大樓輦，車龍輶，十二加以玉飾，四轂六衡，方輿圓蓋，金雞樹羽，寶鐸，旒蘇，纒雀，立衡六螭，龍銜，輶建大常，畫升龍日月，駕二十牛。又有象輦，左右金鳳，白鹿，仙人羽葆，旒蘇，金鈴玉佩，初駕一象，後以六駝代之。并有遊觀小樓等輦，駕十五馬，車等合十餘乘。皆魏天興中之所制也。宣帝至是，咸復御之。復令天下車皆以渾成木為輪。

開皇元年，內史令李德林奏：周魏輿輦乖制，請比日廢毀。高祖從之。唯留魏太和時儀曹令李韶所製五輅，齊天保所遵用者。又留魏熙平中太常卿穆紹議皇后之輅，其從祭則御金根車，親祭則御雲母車，並駕

四馬歸寧則御紫罽車遊行則御安車弔問則御紺罽駟車並駕二馬於後著令制五輅

玉輅青質以玉飾諸末重箱盤輿左青龍右白虎金鳳翅畫虛文鳥獸黃屋左畫金鳳在軾前八纒馬在衡二鈴在軾龍駟前設鄣塵青蓋黃裏繡飾博山鏡子樹羽輪皆朱斑重牙左建旗十有二旒慘旒皆畫升龍其長曳地右載闐戟長四尺廣二尺濺文旂首金龍頭銜結綬及鈴綏駕蒼龍金塗方欽插翟尾五隼鏤錫鑿纒十有二就

錫馬當顧鏤金為之擊馬大帶纒馬鞞皆以五彩飾之就成也一布為一就

祭祀納后則供之

金輅亦質以金飾諸末左建旗右建闐戟

旗畫鳥隼

餘輿

玉輅同駕赤駟朝朝會同饗射飲至則供之

象輅黃質以象飾諸末左建旗右建闐戟

旗畫黃麟

駕黃

駟行道則供之

革輅白質輓之以革左建旗右建闐戟

旗畫白獸

駕白輅

巡守臨兵事則供之

木輅漆之左建旗右建闐戟

旗畫龜蛇

駕黑駟田獵則供

之五輅之蓋旌旗之質及擊纒皆從輅之色蓋之裏

俱用黃其鑊錫五輅同

安車飾重輿曲屏紫油纁朱裏通憶朱絲絡網朱攀纁朱覆髮具絡駕赤駢臨幸則供之

四望車制同金飾青油纁朱裏通憶拜陵臨幸則供之

○皇后皇太后重翟青質金飾諸末朱輪金根朱牙

其箱飾以重翟羽青油纁朱裏通憶繡紫帷朱絲絡

網繡紫絡帶八纒在衡錫鑿華纁十二就金叟方鉉插

翟尾朱總總以朱為之如馬纁而小若馬勒在兩耳兩鉉也駕蒼龍受冊從

郊禱享廟則供之

厭翟亦質金飾諸末輪畫朱牙其箱飾以次翟羽紫

油纁朱裏通憶紅錦帷朱絲絡網紅錦絡帶其餘如

重翟駕赤駢親桑則供之

翟車黃質金飾諸末輪畫朱牙其車側飾以翟羽黃

油纁黃裏通憶白紅錦帷朱絲絡網白紅錦絡帶其

餘如重翟駕黃駢歸寧則供之諸鞶纁之色皆從車

質

安車赤質金飾紫通憶朱裏駕四馬臨幸及弔則供

之

皇太子金輅赤質金飾諸末重較箱畫虞文鳥獸黃
屋伏鹿軾龍輶金鳳一在軾前設鄣塵末蓋黃裏輪
畫朱牙左建旂九旒右載闐戟旂首金龍頭銜結綬
及鈴綬駕赤駟四八鑿在衡二鈴在軾金麥方鈿插
翟尾五雉鏤錫鑿纓九就從祀享正冬大朝納妃則
乘之

輅車金飾諸末紫通幟朱裏駕一馬五日常朝及朝
饗宮臣出入行道乘之

四望車金飾諸末紫油纁通幟末裏朱絲絡網駕一
馬弔臨則乘之

公及一品象輅黃質以象飾諸末建旛畫以鳥雉受
冊告廟升壇上任親迎及葬則乘之

侯伯及二品三品革輅白質以革飾諸末建旛畫熊
獸受冊告廟親迎及葬則乘之

子男及四品木輅黑質以漆飾之建旛畫以龜蛇受
冊告廟親迎及葬則乘之

象輅已下旒及就數各依爵品雖依禮製名未及創
造開皇三年閏十二月並詔停造而盡用舊物至九

年平陳又得輿禁舊者令者以付有司所不載者並
皆毀弃雖從儉省而於禮多闕十四年詔又以見所
乘車輅因循近代事北齊典令更議定於是命有司
詳考之故實改造五輅八副玉輅青質祭祀乘之金輅
亦質朝會禮還乘之七次輅黃質臨幸乘之革輅白質
戎事乘之木輅玄質耕藉乘之五輅皆朱斑輪龍軸
重輿建十二旒並畫牙龍左建闌戟旂旒與輅同色樊
纓十有二就玉五等日開國第一第二品及刺史故朱
質亦蓋斑輪左建旂畫龍龍一升一降左闌戟第

三第四品輅朱質朱畫左建旒通帛為之旂旒比是亦
其旒及樊纓就數各依其本品大業元年更製車輦
五輅之外設副車詔尚書令楚公楊素吏部尚書奇
章公牛弘工部尚書安平公宇文愷內史侍郎虞世
基禮部侍郎許志心大府少卿何稠朝請郎閻毗等
詳議奏決於是重擇前朝故事定其取捨云

玉輅禮祀所用飾以玉白武通云玉輅大輅也周禮
中車氏所掌鑊鑊樊纓上有再就建太常十有二旒
虞氏謂之爲馬車夏后氏謂之鈎車殷謂之大輅周

謂之乘輅大戴禮著其形式上蓋如規象天二十八
揅象列星下方與象地三十輻象一月前視則觀鑿
和之聲側視則觀四時之運昔成湯用而郊祀因有
山車之瑞六謂乘輅車祭色獨斷論漢制度凡乘輿
車皆有六馬利蓋金瓜黃屋左纛鑿方鉉重轂繫
纓黃繒爲蓋裏也左纛以旌牛尾建放竿上其大如
斗立于左駢也鑿鑿高闊各五寸上如契形施於髮
上而挿翟尾也方鉉當顯蓋馬冠也繫纓膺前索也
重轂重施轂也應劭漢官大輅龍旂畫龍於旂上也

董巴志謂爲瑞山車秦謂金根即殷輅矣司馬彪志
亦云漢備五輅或謂德車其所駕馬皆如方色唯晉
太常卿摯虞獨疑大輅謂非五輅摯虞之說理實可
疑而歷代通儒混爲五輅詳其施用義亦不殊左
建大常案釋名日月爲常畫日月於旗端言常明
也又云自夏始也奚仲爲夏車正加以旂常於是旒
就有差用明尊卑之別也董巴所述全明漢制天子
建大常十二旒曳地日月升龍象夫明也今之玉輅
參用舊典消息取捨裁其折中以青爲質玉飾其末

重箱盤輿左龍右獸金鳳翅畫屢文輓左立畫金鳳
一在軾前八鸞鳥在衡二鈴在軾龍輶之上前設鄣塵
青蓋黃裏繡游帶金博山綴以鏡子下垂八佩樹四
十葆羽輓皆朱斑重牙復轄左建大常十有二旒皆
畫升龍日月其長曳地方載闈軾長四尺闊三尺蔽
文旗首金龍頭銜鈴及綵垂以結綴駕蒼龍金燄方
鉞插翟尾五雉鏤錫鞞纓十有二就皆五纒罽以為
文飾天子祭祀納后則乘之馭士二十八人餘輅准
此

副車案蔡邕獨斷五輅之外乃復設五色安車立車
各一乘皆駕四馬是為五時副車俗人名曰五帝車
者蓋副車也故張良狙擊秦皇帝誤中副車漢家制
度亦備副車司馬彪云德車駕六後駕四是為副車
魏志亦云天子命太祖駕金根六馬設五時副車江
左乃闕至梁始備開皇中不置副車平陳得之毀而
弗用至是復並設之副玉輅色及旗章一同正輅唯
降二等駕用四馬馭士二十四人餘四副准此
金輅案尚書即綴輅也周官金輅鏤錫繫纓九就建

大旂以賓同姓以封夫禮窮則通下得通於上也故
天子乘之接賓宴同姓諸侯受而出封是以漢太子
諸王皆乘金輅及安車並朱班輪倚獸較伏鹿軾黑
檟文畫藩青蓋金華施椽朱畫轅金塗飾非皇子為
王不錫此乘皆左右駢駕三馬旂九旒畫降龍皇孫
乘綠車亦駕之魏晉制太子及諸王皆駕四馬依摯
虞議天子金輅次在第二又云金輅以朝象輅以賓
則是晉用輅與同異矣宋起居注泰始四年尚書令建
安王休仁議天子之元子士也故齒胃於辟雍欲使知

教而後尊不得生而貴矣既命之後禮同上公故天
子賜之金輅但減旂章為等級象及革木賜異姓諸
侯在朝卿士亦准斯例此則皇太子及帝子王者通
得乘之自晉過江王公以下車服卑雜唯有太子禮
秩崇異又乘山石安車義不經見事無所出賜金輅
者此為古制降乘輿二等駕用四馬唯天子五輅通
駕六馬旗旒旗旒並十二旒左建旗案爾雅錯革鳥
曰旗郭璞云此謂全剥鳥皮毛置之竿上也舊說刻
為革鳥孫叔敖云革急也言畫急疾鳥於旒上也周

官所謂鳥隼為旗亦是急義今之金輅亦質黃金飾諸末左建旗畫飛隼右建闐戟鞶輿鳳翅等並同玉輅駕赤駟臨朝會同饗射飲至則用之皇太子輅古者金飾宋齊以來並乘象輅宇文愷閭毗奏案宋大明六年初備五輅有司奏云秦改周輅創制金飛漢魏因循其形莫改而金玉二輅雕飾略同造次瞻觀殆無差別若錫於東儲在禮嫌重非所以崇峻陛級表示等威今皇太子宜乘象輅瑋斨九葉進不斥尊退不逼下酌時法古於禮為中觀宋此義乃無副車

新置五輅金玉同體至象已下即為差降所以太子不得乘金輅欲示等威故今給象今取周禮之名依漢家之制天子五輅形飾並同旒及繁纓例皆十二黃屋左畫縣金根重轂無不悉同唯應五方色以為殊耳若用此輅給於太子輦木畫皆不可何況金象者乎既製副車駕用四馬至於金輅自有等差春秋之義降下以兩今天子金輅駕用六馬十二旒太子金輅駕用四馬降龍九旒制頗同於副車又有旌旗之別并嫡皇孫及親王等輅並給金輅而減其雕飾合

於古典臣謂非嫌制曰可於是太子金輅赤質制同副車具體而小亦駕四馬馭士二十人皇嫡孫金輅綠質降太子一等去盤輿重轂轅上起箱末以金飾旌長七刃七旒駕用四馬馭士一十八人親王金輅以赤爲質餘同於皇嫡孫唯在其國及納妃親迎則給之常朝則乘象輅

象輅案尚書即先輅也周禮象輅朱繁纓五就建大赤以朝異姓以封左建旌案爾雅注旌首曰旌許慎所說游車載旌廣雅云天子旌高九刃諸侯七刃大夫

五刃周書王會張羽旌禮記云龍旂九旒天子之旌也今象輅以黃爲質象飾諸末左建旌畫綠麟右建闌戟駕黃駟祀后土則用之

革輅案釋名天子車也周禮革輅龍勒條纓五就建大白用之即戎以封四衛古者革輅而漆之更無佗飾又有戎輅之萃廣車之萃闕車之萃輕車之萃此皆兵車所謂五戎然革輅亦名戎輅天子在軍所乘廣車橫陣車也闕車補闕車也飾並以革故師供革車各以其革執虞議云革輅第四左建旌案釋名熊

獸為旗周官龍旂九旒以象大火今革輅白質鞅之
以革左建旗畫騶虞右建闐戟駕白駱巡守臨兵則
用之三品已下並乘革輅朱色為質馭士十六人
木輅案尚書即次輅也周官木輅緇樊鵠纓建麾以
旼以封藩國晉執事虞云旼輅第五唯宋恭始詔乘木
輅以耕稼徐爰釋疑略曰天子五輅晉遷江左闕其
三唯有金輅以郊木輅即戎宋大明時始備其數
凡五輅之蓋旌旗之質及鞶纓皆從方色蓋裏並黃
雕飾如一沈約曰金象革木禮圖不載其形今旒數

羽葆並同玉輅左建旒案周官龜蛇為旒釋名云龜
知氣兆之吉凶也許慎云旒有四旒以象營室今木
輅黑質漆之左建旒畫玄武右建闐戟駕黑駟旼獵
用之四品方伯乘木輅赤質馭士十四人

安車案禮卿大夫致事則乘之其制如輜駟祭邑獨
斷有五色安車皆畫輪重輿曲壁紫油幢絳裏通幃
朱絲絡網赤鞶纓馮四馬省問臨幸則乘之皇太子
安車班輪赤質制略同乘輿亦馮四馬

四望重案晉中朝大駕鹵簿四望重駕牛中道東宮

舊儀皇太子及妃皆有畫輪四望車今四望車制同
犢車黃金飾青油幢朱裏紫通幃紫絲網駕一牛
拜陵臨弔則用之皇太子四望車綠油幢青通幃朱
絲絡網

耕根車案沈約云親幸耕籍御之三蓋車一名芝車
又名耕根車置耒耜於軾上即潘岳所謂紺轅屬於
黛耜者也開皇無之駕出親耕則乘木輅蓋依宋恭
始之故事也今耕根車以青爲質三重施蓋羽葆雕
裝並同玉輅駕六馬其軾平以青囊盛耒而加於上

籍千畝行三推禮則親乘焉

羊車案晉司隸校尉劉毅奏謹肇羊琇私乘者也開
皇無之至是始置焉其制如輅車金寶飾紫錦幃朱
絲網馭童二十人皆兩鬟髻髻服青衣取年十四五者
爲謂之羊車小史駕以果下馬其大如羊屬車案古
者諸侯貳車九乘奏滅九國兼其車服故爲八十一
乘漢遵不改武帝祠太一甘泉則盡用之明帝上原
陵又用之法駕三十六乘小駕十二乘開皇中大駕
十二乘法駕減半大業初屬車備八十一乘並如犢

車紫通幪朱絲絡網黃金飾駕之牛在囟簿中單行
正道至三年二月帝嫌其多問起部郎閻毗毗曰臣
共字文愷參詳故實此起於秦遂爲後式故張衡賦
云屬車九九是也次及法駕三分減一此漢制也故
文帝紀奉天子法駕迎代邸如淳曰屬車三十六乘
是也又據宋孝建時有司奏議晉遷江左唯設五乘
尚書令建平王宏曰八十一乘無所准憑江左五乘
儉不中禮但帝王旂旒之數皆用十二今宜唯此設
十一乘開皇平陳因以爲法今憲章草往古大駕依秦
六法駕宜用十二小駕除之可也

法駕依漢小駕依宋以爲差等帝曰大駕宜用三十
輦案釋名人所輦也漢成帝遊後庭則乘之徐爰釋
問云天子御輦侍中陪乘今輦制象輅車而不施輪
通幪朱絡飾以金玉用人荷之
副輦加竿制如犢車亦通幪朱絡謂之蓬輦自梁武
帝始也

輿案說文云籜竹輿也周官曰周人上輿漢室制度
以雕爲之方徑六尺今輿制如輦而但小耳宮苑宴

私則御之

小輿憶方形同幢帳自閣出升正殿則御之

輶車案六韜一名遙車蓋言遙遠四顧之車也漢武帝迎申公弟子二人乘輶傳從此又是馳傳車也晉氏鹵簿御史輶車行中道晉公卿禮秩云尚書令輶黑耳後戶今輶車青通憶駕二馬王侯入學五品朝婚通給之司隸刺史及縣令詔使品第六七則並駕一馬

輶車案魏武書贈楊彪七香車二乘用牛駕之蓋輶

車也長沙耆舊傳曰劉壽常乘通憶車今輶車通憶自王公已下至五品已上並給乘之三品已上青憶朱裏五品已上紺憶碧裏皆白銅裝唯有慘及弔喪者則不張憶而乘鐵裝車六品已下不給任自乘輶車弗許施憶初五品已上乘不偏憶車其後嫌其不美停不行用以皂憶代之三品已上通憶車則青壁一品輶車油憶朱網唯車輅一等聽勅始得乘之

馬珂三品已上九子四品七子五品五子

皇后重翟車案周禮正后亦有五輶一曰重翟二曰

厭翟三曰安車四曰翟車五曰輦車漢制后法駕乘
重翟車今重翟青質金飾諸末畫金根朱牙重轂
其箱飾以重翟羽青油幢朱裏通憶紫繡帷朱絲絡
紫繡帶八鑿在衡鏤錫盤纓十有二就金受方鉉插
翟尾朱總綴於馬勒及兩金鑣之上駕蒼龍受冊從
祀郊禘享廟則供之

厭翟赤質金飾諸末朱輪畫朱牙其箱飾以次翟羽
紫油幢朱裏通憶紅錦帷朱絲絡網紅錦帶其餘如
重翟駕赤駟採桑則供之

翟車黃質金飾諸末輪畫朱牙其箱飾以翟羽黃油
幢黃裏通憶曰紅錦帷朱絲絡網白紅錦帶其餘如
重翟駕黃駟歸寧則供之諸盤纓之色皆從車質
安車金飾紫通憶朱裏駕四馬臨幸及弔則供之
輦車金飾同於蓬輦通憶班輪駕用四馬宮苑近行
則乘之

皇后屬車二十六乘初宇文愷闕毗奏定請減乘輿
之半禮部侍郎許善心奏駁曰謹案周禮后備六服
并設五輅采章之數並與王同屬車之制不應獨異

又宋孝建時議定輿輦天子屬車十有二乘至大明
元年九月有司奏皇后副車未有定式詔下禮官議
正其數博士王燮之議鄭玄云后象王立六宮亦正
寢一而燕寢五推其所立每與王同謂十二乘通關
為允宋帝從之遂為後式今請依乘輿不須差降制
曰可

三妃乘翟車以赤為質駕二馬九嬪已下並乘犢車
青幪朱絡網

皇太子妃乘翟車以赤為質駕三馬畫轅金飾犢車
為副紫幪朱絡網良娣已下並乘犢車青幪朱重裏
三公夫人八公主王妃並犢車紫幪朱絡網五品已上
命婦並乘青幪與其夫同

隋書卷第十終

志第五

禮儀五

隋書卷十一

三十一

隋書卷十一

隋書十一

監修國史趙國公長孫無忌等撰

志第六

禮儀六

梁制乘輿郊天祀地禮明堂祠宗廟元會臨軒則黑介幘通天冠平冕俗所謂平天冠者也其制玄表朱綠裏廣七寸長尺二寸加於通天冠上前垂四寸後垂三寸前圓而後方垂白玉珠十有二旒其長齊肩以組為纓各如其綬色傍垂黹纁琉璃珠以玉瑱其衣

阜上絳下前三幅後四幅衣畫而裳繡衣則日月星辰山龍華蟲火宗彝畫以爲繡裳則藻粉米黼黻以爲繡凡十二章素帶廣四寸朱裏以朱繡裨飾其側中衣以絳緣領袖赤皮爲鞞蓋古之鞞也絳袴袜赤烏佩白玉垂朱黃大綬黃赤纁紺四采革帶帶劍緄帶以組爲之如綬色黃金辟邪首爲帶鐃而飾以白玉珠又有通天冠高九寸前加金博山述黑介幘絳紗袍阜緣中衣黑烏是爲朝服元正賀畢還儲更衣出所服也其釋奠先聖則白紗袍絳緣中衣絳袴

林黑烏臨軒亦服袞冕未加元服則空頂介幘拜陵則笄布單衣介幘又有五梁進賢冠遠遊平上幘武冠單衣黑介幘宴會則服之

單衣白恰以代古之疑衰皮弁爲弔服爲羣臣舉哀臨喪則服之

天監二年何佟之議公卿以下祭服裏有中衣即今之中單也案後漢輿服志明帝永平二年初詔有司採周官禮記尚書乘輿服從歐陽說公卿以下服從大小夏侯說祭服絳緣領袖爲中衣絳袴袜示其赤

心奉神今中衣絳緣足有所明無俟於袴既非聖法
請不可施遂依議除之

四年有司言平天冠等一百五條自齊以來隨故而
毀未詳所送何佟之議禮祭服弊則焚之於是並燒
除之其珠玉以付中署

七年周捨議詔曰以王者衮服宜畫鳳皇以示差降
按禮有虞氏皇而祭深衣而養老鄭玄所言皇則是
畫鳳皇羽也又按禮所稱雜服皆以衣定名猶加衮
冕則是衮衣而冕明有虞言皇者言衣名非冕明矣

畫鳳之可事實灼然制可又王僧崇云今祭服三公
衣身畫獸其背及袖又有青獸形與獸同義應是雉
即宗彝也兩袖各有禽鳥形類鸞鳳似是華蟲今畫
宗彝即是周禮但鄭玄云雉屬昂鼻長尾是獸之
輕小者謂宜不得同獸尋冕服無鳳應改為雉又裳
有圓花於禮無礙疑是畫飾加葩蓂耳藻米黼黻並
乖古制今請改正并去圓花帝曰古文日月星辰此
以一辰攝三物也山龍華蟲又以一山攝三物也藻
火粉米又以一藻攝三物也是為九章今衮服畫龍

則宜應畫鳳明矣孔安國云華者花也則為花非疑
若一向畫雉差降之文復將安寄鄭義是所未允帝
曰禮王者祀昊天上帝則大裘而冕祀五帝亦如之
又云莞席之安而蒲越橐結之用斯皆至敬無文貴
誠重質今郊用陶匏與古不異而大裘蒲結獨不復
存其於質故恐有未盡且一獻為質其劍佩之飾及
公卿所著冕服可共詳定五經博士陸瑋等並云祭
天猶存掃地之質而服章獨取黼黻為文於義不可
今南郊神座皆同衾席此獨莞類未盡質素之理宜

以橐結為下藉蒲越為上席又司服云土祀昊天服
大裘明諸臣禮不得同自魏以來皆用衮服今請依
古更制大裘制可瑋等又尋大裘之制唯鄭玄注司
服云大裘羔裘也既無所出未可為據案六冕之服
皆玄上纁下今宜以玄繒為之其制式如裘其裳以
纁皆無文繡冕則無旒詔可又乘輿宴會服單衣黑
介幘舊三日九日小會初出乘今輅服之

八年帝改去還皆乘輦服白紗帽

九年司馬筠等參議禮記玉藻云諸侯玄冕以祭禘

冕以朝雜記又云大夫冕而祭於公弁而祭於已公之尚書上異公侯下非卿士止有朝衣本無冕服但既預齋祭不容同於在朝宜依太常及博士諸齋官例著皂衣絳襪中單竹葉冠若不親奉則不須入廟帝從之

十一年尚書參議按禮跣鞮事由燕坐屨不宜陳尊者之側今則極敬之所莫不皆跣清廟崇嚴既絕恒禮凡有履行者應皆跣鞮詔可

陳永定元年武帝即位徐陵曰所定乘輿御服皆採梁之舊制又以為冕旒後漢用白玉珠晉過江服章多闕遂用珊瑚雜珠飾以翡翠侍中顧和奏令不能備玉珠可用白玳從之蕭驕子云白玳蚌珠是也帝曰形制依此今天下初定務從節儉應用繡織成者並可彩畫金色宜塗珠玉之飾任用蚌也至天嘉初悉改易之定令具依天監舊事然亦徃徃改革今不同者皆隨事於注言之不言者蓋無所改制云

皇太子金璽龜鈕朱綬三百二十首朝服遠遊冠金博山佩瑜玉翠綵垂組朱衣絳紗袍卓緣白紗中衣白曲

領帶鹿盧劍火珠首素革帶玉鈎變獸頭盤革囊其
大小會祠廟朔望五日還朝皆朝服常還上官則朱服
若釋奠則遠遊冠玄朝服絳緣中單絳袴袷玄烏講
則著介憤又有三梁進賢冠其侍祀則平冕九旒袞
衣九章白紗絳緣中單絳繒鞞赤烏絳鞮若加元服
則平舍執冕從皇太子舊有五時朝服自天監之後
則朱服在上省則烏帽永福省則白帽云

諸王金璽龜鈕練朱綬一百六十首朝服遠遊冠介憤朱
衣絳紗袍皂緣中衣素帶黑烏佩山玄玉垂組大

帶獸頭盤腰劍若加餘官則服其加官之服

開國公金章龜鈕玄朱綬二百四十首朝服紗朱衣進賢

三梁冠佩山玄玉獸頭盤腰劍

開國侯伯金章龜鈕青朱綬一百二十首朝服紗朱衣進

賢三梁冠佩水蒼玉獸頭盤腰劍

開國子男金章龜鈕青朱綬二百首朝服紗朱衣進賢

三梁冠佩水蒼玉獸頭盤腰劍

縣鄉亭閩內閩中及名號侯金印龜鈕紫絳朝服進
賢二梁冠獸頭盤腰劍閩內閩中及名
侯則珪鈕

關外侯銀印珪鈕青綬朝服進賢二梁冠獸頭繫腰劍

諸王嗣子金印珪鈕青綬八十朝服進賢二梁冠佩山玄玉獸頭繫腰劍

開國公侯嗣子銀印珪鈕青綬八十朝服進賢二梁冠佩水蒼玉獸頭繫腰劍

太宰太傅太保司徒司空金章龜鈕紫綬八十朝服進賢三梁冠佩山玄玉獸頭繫腰劍陳令如有相國丞相服制同

大司馬大將軍大尉諸位從公者金章龜鈕紫綬八十

朝服武冠佩山玄玉獸頭繫腰劍直將軍則不帶劍

凡公及位從公言以將軍及以左右光祿開府儀同者各隨本位號其文則曰某位

同之五等諸侯助祭郊廟皆平冕九旒青玉為珠有

前無後各以其綬色為組纓旁垂黹纒衣玄上纁下畫山龍已下九章備五采大佩赤烏胸履錄尚書無

章綬品秩悉以餘官摠司其從服則餘官之服猶執笏紫荷其在都坐則東面最上

尚書令僕射尚書銅印墨綬朝服納言幘進賢冠佩水

尚書令僕射尚書銅印墨綬朝服納言幘進賢冠佩水

蒼玉尚書則無印綬要劍紫荷執笏陳尚書令僕佩金章龜鈕

書无印綬及鑿餘並同梁

侍中散騎常侍通直常侍員外常侍朝服武冠貂蟬

侍中左插常侍右插皆要劍佩水蒼玉其員外常侍不給佩舊至尊朝會

登殿侍中常侍夾御御下輿則扶左右侍中駉乘則

不帶劍

中書監令秘書監銅印墨綬朝服進賢兩梁冠佩水

蒼玉要劍獸頭鞶陳制銀章龜鈕青綬八十一首獸頭鞶要青劍餘同梁

左右光祿大夫皆與加金章紫綬同其但加金紫者

謂之金紫光祿但加銀青者謂之光祿大夫陳令有特進進賢二

梁冠朝服佩水蒼玉要青朝梁令不載

光祿太中中散大夫太常光祿弘訓太僕太僕廷尉

宗正大鴻臚大司農少府大匠諸卿丹楊尹太子保傅

大長秋太子詹事銀章龜鈕青綬獸頭鞶朝服進賢冠

二梁佩水蒼玉卿大夫助祭則冠平冕五旒黑玉為珠

有前無後各以其綬采為組纓旁垂黹纁衣玄上纁下

畫華蟲七章皆佩五采大佩赤烏鈎履陳宮卿改云慈訓餘皆同

梁又有大舟卿服章同

驃騎車騎衛將軍中軍冠軍輔國將軍四方中郎將

金章紫綬中郎將朝服武冠佩水蒼玉陳令鎮衛驃騎車騎中軍

中衛中撫軍中權四征四鎮四安四翊四平將軍金章獸鈕其冠軍四方中郎將金章豹

百獸頭擊朝服武冠佩水蒼玉自中軍已下諸將軍及冠軍四方中郎將並官不給佩

○領護軍中領護軍五營校尉銀印青綬朝服武冠

佩水蒼玉獸頭擊其屯騎越騎夾御日假給佩餘校

不給陳令領護金章龜鈕紫綬八十首中領護銀章龜鈕青綬八十首其五營校尉銀印珪鈕青綬八十首官不給佩

餘並同梁

弘訓衛尉衛尉陳宮約云為訓服司隸校尉陳元左

右衛驍騎游擊前左右後軍將軍龍驤寧朔建威振威

奮威揚威廣威武威建武振武奮武揚武廣武等將軍

積弩積射強弩將軍監軍銀章青綬朝服武冠佩水蒼

玉獸頭擊驍游已下並不給佩驍游夾侍日假給陳令

衛銀章龜鈕不給劔左右驍騎游擊雲騎游騎前左右

後軍將軍左右中郎將銀印珪鈕餘服飾同梁亦官不

給佩其驍游雲騎夾侍日假給其積弩積射強弩騎印

環鈕墨綬帶劔餘服同梁又有忠武軍師武臣瓜牙龍

騎雲麾鎮兵翊帥宣惠宣毅智威仁威勇威信威嚴威

智武仁武勇武信武嚴武金章豹鈕紫綬八十首官不

給輕車鎮朔武旅貞毅朔威寧遠安遠征遠振遠宣遠

等將軍金章龜鈕紫綬並獸頭擊朝服武冠佩水蒼玉

國子祭酒阜朝服進賢二梁冠佩水蒼玉

御史中丞都水使者銀印墨綬朝服進賢二梁冠獸

頭盤鞞鞞佩水蒼玉陳中丞銀章龜鈕青綬八十首二梁冠餘同梁其都水陳梁

為大舟卿服在諸卿中見

謁者僕射銅印環鈕墨綬八十朝服高山冠獸頭盤

佩水蒼玉鞞鞞

諸軍司銀章龜鈕青綬朝服武冠獸頭盤

給事中黃門侍郎散騎通直負外散騎侍郎奉朝請

太子中庶子庶子武衛將軍武騎常侍朝服武冠鞞

鞞陳令庶子已上簪筆其武衛不劔正直夾御白布袴褶

中書侍郎朝服進賢二梁冠鞞鞞從僕射太子衛

率銅印墨綬獸頭盤朝服武冠陳衛率銀章龜鈕去月綬不劔冗從銅印環

鈕墨綬鞞鞞餘並同梁

武賁中郎將羽林監銅印環鈕墨綬朝服武冠獸頭

盤鞞鞞其在陛牙及備鹵簿著毼尾絳紗縠單衣

護匈奴中郎將護羌戎夷蠻越烏丸西域校尉銀印

珪鈕青綬朝服武冠獸頭盤陳令無此官其庶子鎮蠻寧蠻平戎西戎校尉

平選中郎將服章同

安夷撫夷護軍州郡國都尉奉車駙馬騎都尉諸護

軍銀印珪鈕青綬獸頭盤朝服武冠

陳安遠鎮蠻護軍州郡國都尉

表車駙馬騎都尉諸護軍服章同無餘文

州刺史銅印墨綬獸頭盤青劍絳朝服進賢一梁冠

陳銅章龜鈕青綬餘同梁

郡國太守相內史銀章龜鈕青綬獸頭盤單衣介幘

加中二千石依卿尹冠服劍佩

尚書左右丞祕書丞銅印環鈕黃綬獸頭盤朝服進

賢一梁冠

尚書祕書著作郎太子中舍人洗馬舍人朝服進賢

一梁冠腰劍

諸王友文學朱服進賢一梁冠

陳令諸王師服同

治書侍御史侍御史朝服腰劍法冠

治書侍御史則有銅印環鈕墨綬陳又有

殿中蘭臺侍御史朝服法冠腰劍簪筆

諸博士給皂朝服進賢兩梁冠佩水蒼玉

大學博士正限八人著佩限外六人不給

廷尉律博士無佩並簪筆

國子助教皂朝服進賢一梁冠簪筆

公府長史獸頭盤諸卿尹丞黃綬獸頭盤簪筆

諸縣署令秩千石者獸爪鞶銅印環鈕墨綬朝服進賢兩梁冠長史朱服諸卿尹丞建康令玄服

公府掾屬主簿祭酒朱服進賢一梁冠公府令史亦同

領護軍長史朱服獸頭鞶諸軍長史單衣介幘獸頭鞶

諸卿部丞獄丞並皂朝服一梁冠黃綬獸爪鞶簪筆
太子保傅詹事丞皂朝服一梁冠簪筆獸爪鞶黃綬
郡國相內史丞長史單衣介幘長史獸頭鞶其丞黃

綬獸爪鞶

諸縣署令長相單衣介幘獸頭鞶銅印環鈕墨綬朝服進賢一梁冠諸署令朱衣武冠州都大中正郡中正單衣介幘

太子門大夫獸頭鞶華陵令長獸爪鞶銅印環鈕墨綬朝服進賢一梁冠令長朱服率更家令僕朝服兩梁冠獸頭鞶腰劍

黃門諸署令僕長丞朱服進賢一梁冠銅印環鈕墨綬丞黃綬黃門冗從僕射監太子寺人監銅印環鈕

墨綬朝服武冠獸頭鞞

公府司馬領護軍司馬諸軍司馬護匈奴中郎將護

羗戎夷蠻越烏丸戊己校尉長史司馬銅印環鈕墨

綬獸頭鞞朝服武冠諸軍司馬單衣平巾幘長史介

幘陳令公府司馬領護軍司馬諸軍司馬鎮安蠻安

遠護軍蠻戎越校尉中郎將長史司馬其服章與

梁官公府從事中郎朱服進賢一梁冠諸將軍開府功曹

主簿單衣介幘華帶廷尉建康正監平銅印環鈕墨

綬早零辟朝服法冠獸爪鞞

左右衛司馬銅印環鈕墨綬單衣帶平巾幘獸頭鞞

諸府參軍單衣平巾幘

諸州別駕治中從事主簿西曹從事玄朝服進賢一

梁冠簪筆常公事單衣介幘朱衣

直閣將軍朱服武冠銅印珪鈕青綬獸頭鞞

直閣將軍諸殿主帥朱服武冠正直絳衫從則兩襠

衫

諸開國郎中令大農公傳中尉銅印環鈕青綬朝服

進賢兩梁冠中尉武冠皆獸頭鞞

諸開國三將軍銅印環鈕青綬朝服武冠限外者不
給印陳制墨綬餘並同梁

開國掌書中尉司馬陵廟食官廐牧長典醫典府丞
銅印掌侍侍郎世子庶子謁者中大夫舍人不給印
典書典祠學官令典膳丞長銅印限外者不給印

左右常侍侍郎典衛中尉司馬朝服武冠典書典祠

學官令朝服進賢一梁冠餘悉朱服一梁冠常侍侍
郎典書

典祠學官令
簪筆要劔

太子衛率率更家令丞銅印環鈕黃綬皂朝服進賢

一梁冠獸爪鞶

太子常從武賁督銅印環鈕墨綬朝服武冠獸爪鞶

殿中將軍負外將軍朱服武冠

州郡國都尉司馬銅印環鈕墨綬朱服武冠獸頭鞶

諸謁者朝服高山冠

中書通事舍人門下令史主書典書令史門下朝廷

局書令史太子門下通事守舍人主書典守舍人二

宮齋內職左右職屬齋幹已上朱服武冠殿中內外

局監太子內外監殿中守舍人銅印環鈕朱服武冠

內外監典事書吏朱服進賢一梁冠內監朝廷人領
局典事外監統軍隊諮詳發遣局典事武冠外監及
典事書吏悉著朱衣唯正直及齋監并受使不在例
其東宮內外監殿典事書吏依臺格五校三將將軍
主事內監主事外監主事三校主事朱服武冠

尚書都令史都水參事門下書令史集書中書尚書
祕書著作掌書主書主圖主譜典客令史監令僕射
省事蘭臺殿中蘭臺謁都水令史公府令史書令史
太子導客次客守舍人及諸省典事朱衣進賢一梁

冠

尚書都令史度支等左戶校吏朱服進賢一梁冠

諸縣署丞太子諸署丞王公侯諸署及公主家令丞僕

銅印環鈕黃綬朱服進賢一梁冠太官太醫丞武冠

諸縣尉銅印環鈕單衣介幘黃綬獸爪鞞節騎郎諸

服武冠其在階列及備鹵簿者駝尾絳紗敕單衣御

節郎黃鉞郎朝服赤介幘簪筆

唱警唱奏事持

兵主麾等諸職公事及備鹵簿朱

武冠殿中中郎

九獸頭鞞革

城門侯銅印環鈕墨綬朱服武冠獸頭鞞

部曲督司馬吏部曲將銅印環鈕朱服武冠司馬吏
假墨綬獸爪鞞

太中中散諫議大夫議郎中郎中書人朱服進賢
一梁冠

諸門郎僕射佐吏東宮門吏其郎朱服僕射阜零辟
朝服進賢冠吏却非冠佐吏著進賢冠

總章協律銅印環鈕文綬獸爪鞞朱服武冠

黃門後閣舍人主書齋帥監食主食主客扶持鼓吹

朱服武冠鼓吹進賢冠齋帥墨綬獸頭鞞

殿中司馬銅印環鈕墨綬朱服武冠獸頭鞞

總章監鼓吹監銅印環鈕文綬朱服武冠

諸四品將兵都尉牙門將宗毅材官折難輕騎揚烈

威遠寧遠宣威光威驍威烈威虜平戎綬遠綬狄

綬邊綬戎獸威武烈武毅武奮武討冠討虜殄難

討難討夷厲武橫野陵江鷹揚執訊蕩寇蕩虜蕩難

蕩逆殄虜掃虜掃難掃逆掃寇厲鋒武奮武牙廣野

領兵滿五十人給銀章不滿五十餘板而已不給章

朱服武冠以此官為刺史大守皆青綬此條以下皆陳制與梁不同

典儀但帥典儀正帥朱衣武冠其本資有殿但正帥

得帶艾綬獸頭盤華殿但帥正帥艾綬獸頭盤華朱服武

冠殿帥羽儀帥員外帥朱衣武冠

威雄猛烈振信勝略風力光等十威將軍武猛略勝

力發健烈威銳勇等十武將軍並銀章熊鈕青綬獸

頭盤華武冠朝服

猛毅烈威銳震進智威映駿等十猛將軍銀章熊鈕

青綬獸頭盤華武冠朝服

烈威毅志意力等十壯將軍驍雄桀猛

迅等十驍將軍雄猛威明烈信武勇毅

朱等十雄將軍並銀章羔鈕青綬獸頭盤華武冠朝服

忠勇烈猛銳壯毅捍信義勝等十忠將軍明智略遠勇

烈威勝廷銳毅等十明將軍光烈明英遠勝銳命勇武

野等十光將軍鷹勇猛烈銳奇決起略勝出等十騰

將軍並銀章鹿鈕青綬獸頭盤華武冠朝服

龍驤武視雲旗風烈電威雷音馳銳進銳羽騎突騎折

衝冠武和戎安壘起猛英果掃虜掃狄武銳推鋒開遠

略遠貞威決勝清野堅銳輕拔山雲勇振旅等三十號
將軍銀印克鈕有綬獸頭鞞朝服武冠

超武鐵騎樓船宣猛樹功剋狄平虜稜威戎昭威戎伏
波雄戟長劍衝冠雕騎伏飛勇騎破敵剋敵威虜前
鋒武毅開邊招遠全威破陣蕩寇殄虜橫野馳射等
三十號將軍銅印環鈕墨綬獸頭鞞朝服武冠并左
十二件將軍除並假給章印綬板則止朱服武冠而
已其勳選除亦給章印

建威牙門期門已下諸將軍並銅印環鈕墨綬獸頭

鞞朱服武冠板則無印綬止冠服而已其在將官以
功次轉進應署建威已下諸號不限板除悉給印綬

若武官署位轉進登上條九品馳射已上諸戎號亦不限板除悉給印綬

千人督校督司馬武賁督牙門將騎督督守將兵都
尉太子常從督別部司馬假司馬假銅印環鈕朱服
武冠墨綬獸頭鞞

武猛中郎將校尉都尉銅印環鈕朱服武冠其以此
官為千人司馬道賁督已上及司馬皆假墨綬獸頭

鞞已上陳制果所無及不同者

陸長甲僕射主事吏將騎廷上五牛旗假吏武賁在
陛列及備鹵簿服錦文衣武冠髡尾陸長者假銅印
環鈕墨綬獸頭鞞

假旄頭羽林在陛列及備鹵簿服絳單衣上著章畫
腰襦假旄頭輿輦迹禽前驅由基強弩司馬給絳科
單衣武冠其本位佩武猛都尉已上印者假墨綬別
部司馬已下假墨綬並獸頭鞞

殿中冗從武賁殿中武賁持鉞戟冗從武賁假青綬
絳科單衣武冠

陳令絳科單衣其本位職佩武猛都尉等印假鞞綬依前條

持椎斧武騎武賁五騎傳詔武賁殿中羽林太官嘗
食武賁稱飯宰人諸官嘗食武賁假墨綬給絳襜武

冠

其佩武猛都尉等位印皆依上條假鞞綬之例

其在陛列及備鹵簿五騎武賁服錦文衣髡尾宰人
服離支衣領軍捉刃人烏總帽袴褶皮帶

絰是羽葆眊鼓吹悉改著進賢冠外給系眊鼓吹著
武冠

諸官鼓吹尚書廊下都坐門下使守藏守閣殿中威
儀驕武賁常直殿門雲龍門者門下左右部武賁羽

林駟給傳事者諸導駟門下中書守閣尚書門下武
賁羽林駟蘭臺五曹節藏僕射廊下守閣威儀發符
駟都水使者廊下守給駟謁者威儀駟諸宮謁者駟
絳襖武冠衣服如舊大誰天門士阜科單衣樊噲冠
衛士涅布襖却敵冠

諸將軍使持節都督執節史朱衣進賢一梁冠自此條制

已下比皆陳
梁所無

持節節史單衣介幘其營祭戎戒嚴時同使持節制假

節節史單衣介幘凡節法以石為之持節皆刻為刻為狗
擊蟬形假節及給蠻夷皆刻為蛇

諸王典義節單衣介幘

諸王書佐單衣介幘

公府書佐朱衣進賢冠

諸王國舍人司理謁者閣下令史中衛都尉朱衣進

賢一梁冠司理假銅印謁者高山冠令史已下武冠

太子太傅五官功曹主簿阜朝服進賢一梁冠

太子二傅門下主記錄事功曹書佐門下書佐記室

帳下督都督省事法曹書佐太傅外都督阜衣進賢

一梁冠

太子妃家令絳朝服進賢一梁冠

太子三校二將積弩殿中將軍衣服皆與上宮官同
太子正負司馬督題閣監銅印墨綬三校內主事主
章扶持守舍人衣帶仗局服飾衣局珍寶朝廷主衣
統奏事幹內局內幹朱衣武冠

諸公府御屬及省事錄尚書省事太子門下及內外
監丞典事導客卒書更次功典書函典書典經五經
典書諸守宮舍人市買清慎食官督內直兵吏宣華
崇賢二門舍人諸門吏朱衣進賢一梁冠

太子妃傳令朱衣武冠執刀烏信幡

太子二傳騎吏玄衣赤幘武冠常行則袴褶執儀齋
帥殿帥典儀帥傳令執刀戟主蓋扇麾繖殿上持兵
車郎扶車注䟽前床齋閣食司馬唱導飯主食殿前
帥殿前威儀武賁威儀散給使閣將鼓吹士帥副武
冠絳襍案輓小輿持車輶車給使平巾幘黃布袴褶
赤罽帶

太子諸門將涅布構樊噲冠

太子鹵簿戟吏赤幘武冠絳襍廉帥敕正陣禁防平巾

幘白布袴褶靴角五音帥長麾青布袴褶岑帽絳紵帶都伯平巾幘黃布袴褶

文官曹幹白紗單衣介幘尚書二臺曹幹亦同

武官問訊將士給使平巾幘白布袴褶

通天冠高九寸正豎頂少斜却乃直下鐵為卷梁前有展筓冠前加金博山述乘輿所常服

遠遊冠制似通天而前無山述有展筓橫于冠前皇太子及王者後諸王服之諸王加官者自服其官之冠服唯太子及王者後常冠焉太子則以翠羽為綬

綴以白珠其餘但青絲而已

進賢冠古緇布冠遺象也斯蓋文儒者之服前高七寸後高三寸長八寸有五梁三梁二梁一梁之別五梁唯天子所服其三梁已下為臣高卑之別云

武冠一名武弁一名大冠一名繁冠一名建冠今人名曰籠冠即古惠文冠也天子元服亦先加大冠今左石侍臣及諸將軍武官通服之侍中常侍則加金璫附蟬焉挿以貂尾黃金為飾云

高山冠一名側注高九寸鐵為卷梁制似通天頂直

豎不斜無山述展簞高山者取其矜莊賓遠中外謁者僕射服之

法冠一名柱後或謂之獬豸冠高五寸以纒為展簞鐵為柱卷取其不曲撓也侍御史廷尉正監平凡執法官皆服之

鶡冠猶大冠也加雙鶡尾豎插兩邊故以名焉武賁中郎將羽林監節騎郎在陛列及鹵簿者服之

長官一名齋冠高七寸廣三寸漆纒為之制如版以竹為裏漢高祖微時以竹皮為此冠所謂劉氏冠後除

竹用漆纒馬司馬彪曰長冠楚制也人間或謂之鶡尾冠非也後代以為祭服尊敬之也至天監三年祠部郎沈宏議案竹葉冠是高祖為亭長時所服安可繇代為祭服哉禮士弁祭於公請令太常丞博士奉齋之服宜改用爵弁明山負同宏議司馬掾云若必遵三王則懼所非一長冠謂宜仍舊案今之宗室博士之服未有可非帝竟不改

建華冠以鐵為柱卷貫大銅珠九枚祀天地五郊明堂舞人服之

樊噲冠廣九寸高七寸前後出各四寸制似平冕凡
殿門司馬衛士服之

却敵冠高四寸通長四寸後高三寸制似進賢冠凡
宮殿門衛士服之

却非冠高五寸制似長冠宮殿門吏僕射冠之

幘尊卑貴賤皆服之文者長耳謂之介幘武者短耳
謂之平上幘各稱其冠而制之尚書令僕射尚書幘
收方三寸名曰納言未冠童幘無屋施假髮者示
未成人也

帽傅子云先未有此荀文若中鴈梅於岐時人慕之
因而弗改今通爲慶弔之服白紗爲之或單或袂初
婚冠送餞亦服之

巾國子生服白紗爲之晉太元中國子生見祭酒博
士單衣角巾執經一卷以代手版宋末闕其制齊立
學太尉王儉更造今形如之帽自天子下及士人通
冠之以白紗者名高頂帽皇太子在上省則烏紗在
承福省則白紗又有繒卓雜紗爲之高屋下裙蓋無
定准

袿褶近代服以從戎今纂嚴則文武百官咸服之車
駕親戎則縛袴不舒散也中官紫褶外官絳褶要背皮
帶以代鞶革

笏中世以來唯八座尚書執笏笏者白筆綴其頭以
紫囊裹之其餘公卿但執手版荷紫者以紫生爲袂
囊綴之服外加於左有周遷之昔周公負成王制此
衣至今以爲朝服蕭驕子云名契囊案趙充國傳云
張子孺持囊簪筆事孝武帝張晏云囊契囊也近臣
負囊簪筆從備顧問有所記也

入殿門有籠冠者著之有纓則下之緣廂行得提衣
省閣內得著履烏紗帽入齋閣及橫度殿庭不得人
提衣及提服飾入閣則執手板自摳衣几席不得入
齋正閣介幘不得上正殿及東西堂儀仗織扇有憶
牽車不得入臺門臺官問訊皇太子亦皆朱服著襪
謁諸王單衣幘庶姓單衣帽詣三公必衣帽至黃閣
下履過閣還著履

古者君臣佩玉尊卑有序綬者所以貫佩相承受也
又上下施鞞如蔽膝貴賤亦各有殊五霸之後戰兵

不息佩非兵器鼓非戰儀於是解去佩鼓留其繫徒而已鞞佩既廢秦乃以采組連結於袿轉相結受又謂之綬漢承用之至明帝始復制佩而漢末又亡絕魏侍中王祭識其形乃復造焉今之佩繫所制也

皇后謁廟服袿褕大衣蓋嫁服也謂之禕衣阜上阜下親蠶則青上纁下比深衣制隱領袖緣以條首飾則假髻步搖俗謂之珠松是也簪珥步搖以黃金為山題貫白珠為支相繆八爵九華能獸赤熊天鹿辟邪南山豐大特六獸諸爵獸皆以翡翠為華綬佩同

乘輿

貴妃貴嬪貴姬是為三夫人金章龜紐紫綬八十佩子真玉獸頭鞞

淑媛淑儀淑容昭華昭儀昭容脩華脩儀脩容是為九嬪金章龜紐青綬八十獸頭鞞佩采璫玉璉好容華充華承徽列榮五職亞九嬪銀印珪鈕艾綬獸頭鞞

美人才人良人三職散位銅印環鈕墨綬獸頭鞞

皇太子妃金龜龜紐纁朱綬十首六佩瑜玉獸頭鞞

良婦銀印珪鈕佩采璜玉青綬八十獸瓜擊

保林銀印珪鈕佩水蒼玉青綬八十獸瓜擊

諸王太妃妃諸長公主王公主封君金印龜鈕紫綬八十

首佩山玄玉獸頭擊

開國公侯太夫人銀印珪鈕青綬八十佩水蒼玉獸

頭擊

公主三夫人大手髻七鑲蔽髻九嬪及公夫人五鑲

世婦二鑲其長公主得有步搖公主封君已上皆帶

綬以綵組為緹帶各以其綬色金辟邪首為帶玦公

持進列侯御校中二千石夫人

紺繒帽黃金首龍銜白珠魚須插長一尺為簪珥入

廟佐祭者皂綃上下助蠶者縹綃上下皆深衣制緣

自二千石夫人已上至皂石皆以蠶衣為朝服

自晉左遷中原禮儀多缺後魏天興六年詔有司始

制冠冕各依品秩以示等差然未能皆得舊制去

和中方考故實正定前謬更造衣冠尚不能周洽及

至熙平二年太傅清河王懌黃門侍郎韋廷祥等奏

定五時朝服准漢故事五郊衣情各如方色焉及後

齊因之河清中改易舊物著今定制云

乘輿平冕黑介幘垂白珠十二旒飾以五采玉以組

為纓色如其綬鞋續玉并白玉璽黃赤綬五采黃赤

纁綠紺純黃質長二丈九尺五百首廣一尺二寸小

綬長三尺二寸與纁同采而首半之袞服皐衣絳裳

裳前三幅後四幅織成為之十二章緣絳中單織成

緄帶朱紋佩白玉帶鹿盧劍絳棊棊赤舄未加元服

則空頂介幘又有通天金博山冠則絳紗袍皐緣中

單其五時服則五色介幘進賢五梁冠五色紗袍又

有遠遊五梁冠並不通于下四時祭廟圖丘方澤明

堂五郊封禪大雩出宮行事正旦受朝及臨軒拜王

公皆服袞冕之服還宮及齋則服通天冠藉田則冠

冕璪十二旒佩蒼玉黃綬青帶青袜青舄拜陵則黑

介幘白紗單衣釋奠則服通天金博山冠玄紗袍春

分朝日則青紗朝服青舄秋分夕月則白紗朝服湘

舄俱冠五梁進賢冠合朔服通天金博山冠絳紗袍

季秋講武出征告廟冠武弁黃金附蟬左翟禡類宜

社武弁朱衣纂嚴升殿服通天金博山冠絳紗袍入

溫涼室冠武弁右貂附蟬絳紗服征還飲至服通天冠廟中遣上將則袞冕還宮則通天金博山冠賞組罰杜則武弁左貂附蟬元日冬至大小會皆通天金博山冠四時畋出宮服通天冠並赤烏明堂則五時俱通天冠各以其色服東西堂舉哀服白紗

天子六璽文曰皇帝行璽封常行詔勅則用之皇帝之璽賜諸王書則用之皇帝信璽下銅獸於發諸州征鎮兵下竹使符拜代徵召諸州刺史則用之並白玉為之方一寸二分螭獸鈕天子行璽封拜外國則

用之天子之璽賜諸外國書則用之天子信璽發兵外國若徵召外國及有事鬼神則用之並黃金為之方一寸二分螭獸鈕又有傳國璽白玉為之方四寸螭獸鈕上交五螭螭隱起鳥篆書文曰受天之命皇帝壽昌凡八字在六璽外唯封禪以封石丞又有督攝萬機印一鈕以木為之長一尺二寸廣二寸五分背上為鼻鈕二長九寸厚一寸廣七分腹下隱起篆書為督攝萬機凡四字此印常在內唯以印籍縫用則左戶郎中度支尚書奏取印訖輸內

皇太子平冕黑介幘垂白珠九旒飾以三采玉以組
為纓色如其綬金璽朱綬四采赤黃縹紺純朱質長
二丈一尺三百二十首廣九寸小綬長三尺二寸與
綬同色而首半之衣服同乘輿而九章絳紱佩瑜玉
玉具劔火珠標首絳袴袂赤舄非謁廟則不服未加
元服則空頂黑介幘雙童髻雙玉導中舍人執遠遊
冠以從其遠遊三梁冠黑介幘翠綵纓絳紗衣卓緣
中單黑舄大朝所服亦服進賢三梁冠黑介幘卓朝
服絳緣中單玄舄為宮臣舉哀白帽單衣烏皮履未

加元服則素服

皇太子璽黃金為之方一寸龜鈕文曰皇太子璽宮
中大事用璽小事用門下典書坊印

諸公卿平冕黑介幘青珠為旒上公九三公八諸卿
六以組為纓色如其綬衣皆玄上纁下三公山龍八
章降皇太子一等九卿藻火六章唯郊祀天地宗廟
服之

遠遊三梁諸王所服其未冠則空頂黑介幘開國公
侯伯子男及五等散爵未冠者通如之

進賢冠文官二品已上並三梁四品已上並兩梁五
品已下流外九品已上皆一梁致事者通著委貌冠
主兵官及侍臣通著武弁侍臣加貂璫御史大理著
法冠諸謁者太子中導客舍人著高山冠宮門僕射
殿門吏亭長太子率更寺宮門督太子內坊察非吏
諸門吏等皆著却非冠羽林武賁著鷩錄令已下尚
書以上著納言幘又有赤幘卑賤者所服救日蝕文
武官皆免冠著赤介幘對朝服賤者平巾赤幘示威
武以助於陽也止雨亦服之請雨則服緇幘東耕則

服青幘庖人則服綠幘

印綬二品已上並金章紫綬三品銀章青綬三品已上凡

五省官及中侍中者皆為印不為章四品得印者銀印青綬五品六品

得印者銅印墨綬四品已下凡是開國子男及五等散品名号侯皆為銀章不為印

七品八品九品得印者銅印黃綬金銀章印及銅印

並方一寸皆龜鈕東西南北西藩諸國王章上藩用

中金中藩用銀並方寸龜鈕佐官唯公府長史尚書

二丞給印綬六品已下九品已上唯當曹為官長者

給印餘自非長官雖位尊並不給

諸王纁朱綬四采赤黃縹紺純朱質纁文織長二丈一尺二百四十首廣九寸開國郡縣公散郡縣公玄朱綬四采玄赤縹紺朱質玄文織長一丈八尺百八十首廣八寸開國縣子男散縣子男名號侯開國卿男素朱綬三采青赤白朱質白文織長一丈四尺百二十首廣六寸一品二品紫綬三采紫黃赤純紫質長一丈八尺百八十首廣八寸三品四品青綬三采青白紅純青質長一丈六尺百四十首廣七寸五品六品墨綬二采青紺純紺質長一丈四尺百首廣六

寸七品八品九品黃綬二采黃白純黃質長一丈二尺六十首廣五寸官品從第二已上小綬間得施玉環凡綬先合單紡為一絲之四為一扶之五為一首首五成一文采純為質首多者絲細首少者絲麤官有綬者則有紛皆長八尺廣三分寸各隨綬色若服朝服則佩綬服公服則佩紛官無綬者不合佩紛擊囊二品已上金縷三品金銀縷四品銀縷五品六品綵縷七八九品綵縷獸爪擊官無印綬者並不合佩擊囊及爪

一品玉具劔佩山玄玉二品金裝劔佩水蒼玉三品
及開國子男五等散品名號侯雖四五品並銀裝劔
佩水蒼玉侍中已下通直郎已上陪位則像劔帶真
劔者入宗廟及升殿若在仗內皆解劔一品及散郡
公開國公侯伯皆雙佩二品三品及開國子男五等
散品名號侯皆隻佩綬亦如之

百官朝服公服皆執手板尚書錄令僕射吏部尚書
手板頭復有白筆以紫皮裏之名曰笏朝服綴紫荷
錄令左僕射左荷右僕射吏部尚書右荷七品已上

文官朝服皆簪白筆正王公侯伯子男卿尹及武職
並不簪朝服冠幘各一絳紗單表白紗中單卓領袖
卓襖革帶曲領方心蔽膝白筆為絳兩綬劔佩紫導
鈎鐮為具服七品已上服也公服冠幘紗單表深衣
革帶假帶履絳鈎鐮謂之從者服八品已下流外四
品已上服也

流外五品已下九品已上皆著襦衣為公服

皇太后至綬佩同乘輿假髮以搖十二鏡八卷九華動
祭朝會以禱衣祠郊禱以榆狄小宴以闕狄親蠶以

鞠衣禮見皇帝以展衣宴居以褙衣六服俱有蔽膝織成緹帶皇太后皇后璽並以白玉為之方一寸二分螭獸鈕文各如其號璽不行用有令則太后以宮名衛尉印皇后則以長秋印

內外命婦從五品已上蔽髻唯以鎮數花釵多少為品秩二品已上金玉飾三品已下金飾內命婦左右昭儀三夫人視一品假髻九鎮金章紫綬服褙翟雙佩山玄玉九嬪視三品五鎮蔽髻銀章青綬服鞠衣佩水君玉世婦視四品三鎮銀印青綬

服展衣無佩八十一出女視五品一鎮銅印墨綬服褙衣又有宮人女官服制第一品七鎮蔽髻服闕者三品五鎮鞠衣四品三鎮展衣五品一鎮褙衣六品褙衣七品青紗公服俱八首髻八品九品俱青紗公服偏髻髻

皇太子妃一璽綬佩同皇太子假髻步搖九鎮服褙翟從替則青紗公服

皇太子妃璽以黃金方一寸龜鈕文曰皇太子妃之璽若有封書則用內坊印

郡長公主公主玉國太妃妃纁朱綬髻章服
佩同內命婦一品郡長君七鎮救髻玄朱綬
鬪翟章佩與公主同郡君縣主佩水蒼玉餘
與郡長君同太子良娣視九嬪服縣主青朱
綬餘與良娣同女侍中五鎮假金印紫綬服
鞠衣佩水蒼玉縣君銀章青朱綬餘與女侍
中同太子孺人同世婦太子家人子同御女御主
鄉君素朱綬佩水蒼玉餘與御女同外命婦章
印綬佩皆如其夫若夫假章印綬佩妻則不假一品二品

七鎮蔽髻服鬪翟二品五鎮服鞠衣四品三鎮服展衣
五品一鎮服祿衣內外命婦宮人女官皆從其類各依品
次還著蔽髻首服青紗公服如外命婦然蓬萊華鬢等
准其夫公服之例百官之母詔加大夫夫人者朝服公服各
與其命婦服同後周設司服之官掌皇帝十二服知
昊天上帝則蒼衣蒼冕祀東方上帝及朝日則青衣
青冕祀南方上帝則朱衣朱冕祭皇地祇祀中央上
帝則黃衣黃冕祀西方上帝及夕月則素衣素冕祀
北方上帝祭神州社稷則玄衣玄冕享先皇加元服

納后朝諸侯則象衣象冕十有二章日月星辰山龍
華蟲六章在衣火宗彝藻粉米黼黻六章在裳凡十
二等享諸先帝大自於龜食三老五更享諸侯耕藉
則服象冕自龍已下凡九章十二等宗彝已下五章
在衣藻火已下四章在裳衣重宗彝祀星辰祭四望
視朔大射饗羣臣禮饋牲養國老則服山冕八章十
一等衣裳各四章衣重火與示彝群祀視朝臨太學
入道法門享諸侯會羣臣乃燕射養庶老適諸侯家
則服象冕七章士一等衣三章裳四章衣重三章衣山

黼三章自受命而後始有十二等通以象龍為領標

冕通十有二旒廵兵即戎則服章弁謂以韎韐為弁

又以為裳衣也田獵行鄉畿則服皮弁謂以鹿子皮

為弁白布衣而素裳也皇壽凶服斬衰父母之喪其

弔服錫衰以哭三公總衰以哭諸侯皆十五升抽其

不浣其纓衰在內總者浣其疑衰以哭大夫升四皆素

弁如爵弁環絰一服凡大疫大荒大災則素服編冠

凡疫疠荒飢
年災水旱也

諸公之服九一曰方冕二曰衮冕九章宗彝已上五

章在衣藻已下四章在裳三曰山冕八章衣裳各四
章衣重宗彝為九等四曰鷩冕七章衣三章裳四章
衣重火與宗彝五曰火冕六章衣裳各三章衣重宗
彝及藻裳重黼六曰毳冕五章衣三章裳二章衣重
藻粉米裳重黼山冕已下俱九等皆以山為領標
冕俱九旒七曰章弁八曰皮弁九曰玄冠

諸侯服自方冕而下八無交冕山冕八章衣裳各四
章鷩冕七章衣三章裳四章衣重宗彝火冕六章衣
裳各三章衣重藻裳重黼毳冕五章衣三章裳二章

衣重粉米裳重黼黼為冕已下俱八等皆以華蟲為
領標冕俱八旒

諸伯服自方冕而下七又無山冕鷩為冕七章衣三章
裳四章火冕六章衣裳各三章裳重黼毳冕五章衣
三章裳二章裳重黼黼火冕已下俱七等皆以火為
領標冕俱七旒

諸子服自方冕而下六又無鷩為冕火冕六章衣裳各
三章毳冕五章衣三章裳二章裳重黼毛毳冕已下俱
六等皆以宗彝為領標冕俱六旒

諸男服自方冕而下五又無火冕毳冕五章衣三章
裳二章以藻為領標冕五旒

三公之服九一曰祀冕二曰火冕六章衣裳各三章
衣重宗彝與藻裳重黻三曰毛毳冕五章衣三章裳
二章衣重藻與粉米裳重黼黻四曰藻冕四章衣裳
俱二章衣重藻與粉米裳重黼黻五曰繡冕三章衣
一章裳二章衣重粉米裳重黼黻俱九等皆以宗彝
為領標六曰爵弁七曰韋弁八曰皮弁九曰玄冠
三孤之服自祀冕而下八無火冕毳冕五章衣三章

裳一章衣重粉米裳重黼黻藻冕四章衣裳各二章
衣重藻與粉米裳重黼黻俱八等皆以藻為領標繡
冕三章衣一章裳二章衣重粉米裳重黼黻為八等
公卿之服自祀冕而下七又無毳冕藻冕四章衣裳
各一章衣重粉米裳重黼黻為七等皆以粉米為領
標各七繡冕三章衣一章裳二章衣重粉米裳重黼
黻為七等

大夫之服自祀冕而下六又無藻冕繡冕三章衣
一章裳二章衣重粉米裳重黼黻為六等

大夫之服自祀冕而下五又無皮弁繡冕三章衣
早裳三章衣重粉米為五等

下大夫之服自祀冕而下四又無爵弁繡冕三章衣
一章裳三章衣重粉米為四等

士之服三二曰祀弁二曰爵弁三曰玄冠玄冠皆玄

士以玄中士以黃下士庶士之服一玄冠無士庶人

雜裳謂前玄後黃也後令文武俱著常服冠形如魏恰無簪者

之履其服纓其凶服皆與庶人同其弔服諸侯於其卿大夫錫

衰同姓總衰於士疑衰其當事則弁經否則皮弁公

孤卿大夫之弔服錫衰弁經皮弁亦如之士之弔服

疑衰素裳當事弁經否則徒弁

皇太后衣十二等其翟衣六從皇帝祀郊禘享牛

皇太后則服翬衣素質五色祭陰社朝命婦則服翟衣

祭羣小祀受獻璽則服翟衣赤衣采桑則服鳩衣黃衣

皇帝見賓客聽女教則服鷩衣白食命婦歸寧則翟

羽衣色玄俱十有二等以翬雉為領標各有二臨婦

及法道命婦有時見命婦則著衣春齋及祭還則

青衣夏齋及祭還則朱衣采桑齋及采桑還則黃衣

秋齋及祭還則素衣又齋及祭還則玄衣自青衣而下其領標以相生之色

諸公夫人九服其翟衣雉皆九等俱以搖雉為領標各九自搖衣已下五曰搖衣散鳥衣鳴衣鷩衣翬衣并朱衣黃衣素衣玄衣而九自朱衣而下其領標亦同用相生之色

諸侯夫人自鷩而下八其翟衣雉皆八等俱以鷩雉為領標無搖衣

諸伯夫人自鷩而下七其翟衣雉皆七等俱以鷩雉

為領標又無鷩衣

諸子夫人自鷩而下六其翟衣俱以鷩雉為領標又無鷩衣

諸男夫人自翬而下五其翟衣雉皆五等俱以翬雉為領標又無鷩衣

三妃三公夫人之服九一曰鷩衣二曰鷩衣三曰翬衣四曰青衣五曰朱衣六曰黃衣七曰素衣八曰玄衣九曰緇衣似華皆九樹其雉衣亦皆九等以鷩雉為領標各九

式三孤之內子自鶴衣而下八雉衣皆八等以鶴
為領標各八

六嬪六卿之內子自翔衣而下七雉衣皆七等以翔
雉為領標各七

上媛上大夫之孺人自青衣而下六

中媛中大夫之孺人自朱衣而下五

下媛下大夫之孺人自黃衣而下四

御婉士之婦人自素衣而下三

中宮六尚一曰緞衣其色赤而微玄諸命秩之服曰冬服其

餘常服曰私衣皇后華皆十有二樹諸侯之夫人亦
皆以命數為之節三妃三公夫人已下又各依其命
命再命者又俱以三為節

皇后及諸侯夫人之服皆烏履三妃三公夫人已下
翟衣則烏其餘皆履烏履各如其裳之色

皇后之凶服斬衰齊衰降旁其已下弔服為妃嬪三
公之夫人孤卿內子之喪錫衰錫者十五升去其半

哀在內也為諸侯夫人之喪總衰總亦十五升去其半
也為媛御婉及大夫孺人士之婦人之喪疑衰疑亦十四升

於吉皆吉筭無首象筭去首飾太陰虧則素服蕩天下陰事諸

侯之夫人及三妃與三公之夫人已下凶事則五衰

自總已上皆服之其弔諸侯夫人於鄉之內子大夫孺人錫

衰於已之同姓之臣總衰於士之婦人疑衰皆吉筭

無首其三妃已下及媛三公夫人已下及孺人其弔服

錫衰御婉及士之婦人弔服疑衰疑衰同筭九族已下皆骨筭

鞞皇帝三章龍火山諸侯三章去龍卿大夫一章以

山皆織綵以成之

皇帝八璽有神璽有傳國璽皆寶而不用神璽明受之於天傳

國璽明受之於運皇帝名祭則置神璽於庭前之右致傳國

璽於庭前之左又有六璽其一皇帝行璽封命諸侯

及三公用之其二皇帝之璽與諸侯及三公書用之

其三皇帝信璽發諸夏之兵用之其四天子行璽封

命蕃國之君用之其五天子之璽與蕃國之君書用

之其六天子信璽徵蕃國之兵用之六璽皆白玉為

之方一寸五分高寸螭獸鈕

皇后璽文白皇后之璽白玉為之方寸五分高寸麟

鈕三公諸侯皆金印方寸二分高八分龜鈕七命已

上銀四命已上銅皆龜鈕三命已下銅印銅鼻其方
皆寸其高六分文曰某公官之印

皇帝之組綬以蒼以青以朱以黃以白以玄以纁以
紅以紫以緞以碧以綠十有二色諸公九色自黃已
下諸侯八色自白已下諸伯七色自玄已下諸子六
色自纁已下諸男五色自紅已下三公之綬如諸公
三孤之綬如諸侯六卿之綬如諸伯上大夫之綬如
諸子中大夫之綬如諸男下大夫綬自紫已下士之
綬自緞已下其璽印之綬亦如之

禮儀志

保定四年百官始執笏常服上焉宇文護始命袍加
下襴宣帝即位受朝於路門初服通天冠絳紗袍群
臣皆服漢魏衣冠大象元年制冕二十四旒衣服以
二十四章為準二年下詔天臺近侍及宿衛之官皆
著五色衣以錦綺績繡為緣名曰品色衣有大禮則
服冕內外命婦皆執笏其拜佺伏方興

卷之三

程